



Մ Ա Յ Ր Ա Թ Ո Ւ Ո Ւ Մ

Դեկտեմբերի 13-ին, կիրակի, Մայր Տաճարում պատարագեց և քարոզեց հոգեշնորհ Տ. Գրիգոր վարդապետ Եղիայանը «օրհնեալ ես դու ի կանայս և օրհնեալ է պտուղ որովայնի բո» բնաբանով (Ղուկ. Ա 42)։

Սուրբ պատարագին ներկա էր Վեհափառ Հայրապետը։

Դեկտեմբերի 13-ին, կիրակի, ժամը 2.30-ին, Ֆրանսահայ ծանոթ երգչուհի Ռոզի Արմենը, Մայր Տաճարում իր ուխտը կատարելուց հետո, Վեհարանում այցելեց Վեհափառ Հայրապետին։

Դեկտեմբերի 16-ին, չորեքշաբթի, Մայր Աթոռ վերադարձավ Գերագույն Հոգևոր Խորհրդի անդամ Գրիգոր Բեքմեղյանը, որը Վեհափառ Հայրապետի բարեհաճ կարգադրությամբ, գերաշնորհ Տ. Զդոն եպիսկոպոս Տեր-Հակոբյանի և գերաշնորհ Տ. Պարգև եպիսկոպոս Գևորգյանի հետ մասնակցում էր Վատիկանի երկրորդ ժողովին իբր ղիտորդ։

Դեկտեմբերի 17-ին, հինգշաբթի, Հնդկաստան մեկնեց Վրաստանի հայոց առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը, Հնդկաստանի և Հեռավոր Արևելքի հայոց հայրապետական պատվիրակ գերաշնորհ Տ. Հայկազուն արքեպիսկոպոս Աբրահամյանի հետ, հանուն Վեհափառ Հայրապետի, մասնակցելու համար Քոտայամում Հնդիկ Մալաբար եկեղեցու հոգևոր ճեմարանի 100-ամյակի հանդիսություններին։

Այնուհետև Տ. Կոմիտաս եպիսկոպոսը կայցելի Բոմբեյի, Կալկաթայի հայ համայնքների և Ավստրալիայի հայ գաղութի եկեղեցիները, տանելով Ամենայն Հայոց Վեհափառ Հայրապետի ողջույններն ու օրհնությունները։

Դեկտեմբերի 19-ին, շաբաթ, երեկոյան ժամը 7-ին, Հոգևոր ճեմարանում, Գրիգոր Բեքմեղյանը հուշեր և տպավորություններ պատմեց ուսանողության և Մայր Աթոռի միաբանության՝ Վատիկանի ժողովի մասին։

Վերջում վերադառնալով Տ. Ներսես հայր սուրբը շնորհակալություն հայտնեց հարգելի բանախոսին՝ հետաքրքրական դասախոսության համար։

Դեկտեմբերի 20-ին, կիրակի, Մայր Տաճարում պատարագեց և քարոզեց հոգեշնորհ Տ. Գևորգ վարդապետ Սերայդարյանը «Հայրապետ սուրբ և անբիծ և ընտրեալ յորովայնէ» բնաբանով։

Սուրբ պատարագին ներկա էր Վեհափառ Հայրապետը։

Դեկտեմբերի 24-ին, հինգշաբթի, «Տօն Սրբոյն Դաւթի մարգարէին և Յակովբայ առաքելոյն»։

Այսօր լրացավ Շիրակի թեմի առաջնորդ գերաշնորհ Տ. Մաշտոց եպիսկոպոս Թաշիրյանի ծննդյան 70-ամյակը։

Վեհափառ Հայրապետի բարեհաճ կարգադրությամբ, ամսի 19-ին Լենինական մեկնեց հոգեշնորհ Տ. Արսեն վարդապետ Բերբերյանը, որը ամսի 20-ին Ս. Աստվածածին եկեղեցում պատարագեց և քարոզեց «Դի խորհուրդ մարմնոյ մահ է և խորհուրդ հոգւոյն կեանք և խաղաղութիւն» բնաբանով։ Իր քարոզի վերջավորության, հայր սուրբը անդարադարձավ Տ. Մաշտոց եպիսկոպոսի կյանքի և եկեղեցական գործունեության վրա, հաղորդելով Վեհափառ Հայրապետի ողջույնի և օրհնության խոսքը։

Ամսի 23-ին, շորեքշաբթի, Լենինական էին մեկնել նաև հոգեշնորհ Տ. Գրիգոր վարդապետ Եղիայանը և Մայր Աթոռի ֆինանսական բաժնի պետ պր. Գ. Քեչյայանը՝ մասնակցելու սրբազանի 70-ամյակին նվիրված եկեղեցական հանդիսություններին:

Ամսի 24-ին, հինգշաբթի, առաջնորդարանի հարկաբաժնում, կաղմակերպվեց ընդունելություն ի պատիվ հոգեվար սրբազանի, որին մասնակցեցին Լենինականի թեմական խորհրդի անդամները, Մայր Աթոռի հյուրերը, Լենինականի և Կիրովականի քահանայից դասը և այլ հրավիրյալներ:

Դեկտեմբերի 20-ին, շաբաթ, «Տօն Սրբոյն Ստեփանոսի նախավկային և առաջին մարտիրոսին»:

Այսօր Մայր Աթոռի սարկավազների տոնն է: Մայր Տաճարում երգեցողությունները ղեկավարուում են սարկավազները:

Օրվա հանդիսավոր սուրբ պատարագը մատուցում է վերատեսուչ հոգեշնորհ Տ. Ներսես ծայրագույն վարդապետը և քարոզում «Նախասարկաւագ և առաջին մարտիրոս Ս. Ստեփանոս» բնաբանով:

Հավարտ սուրբ պատարագի, վերատեսչի առաջնորդությամբ, սարկավազները Վեհարանում ստանում են Վեհափառ Հայրապետի օրհնությունը:

Ժամը 3-ին, ձեմարանի սեղանատանը, կաղմակերպվում է ընդունելություն: Սարկավազների տոնը շնորհավորում են Տ. Հուսիկ եպիսկոպոսը, ձեմարանի դասախոս Գրիգոր Գյուլյանը: Դավիթ սարկավազը շնորհակալություն է հայտնում սարկավազների տոնի առթիվ արտահայտված բարի ցանկությունների համար և խոստանում հանուն իր ընկերների՝ ընթանալ Ս. Ստեփանոսի հավատով և զինվել նրա նախանձախնդրությամբ:

Դեկտեմբերի 27-ին, կիրակի, Մայր Տաճարում պատարագեց արժանապատիվ Տ. Նշան քահանա Բեյլեյանը և հավուր պատշաճի քարոզեց հոգեշնորհ Տ. Ներսես ծայրագույն վարդապետ Պողոսյանը:

1966 թվականի հունվարի 2-ին, կիրակի, Մայր Տաճարում պատարագեց արժանապատիվ Տ. Հակոբ քահանա Հակոբյանը:

Սուրբ պատարագին ներկա էր Վեհափառ Հայրապետը:

Հունվարի 2-ին, կիրակի, Մայր Աթոռ ժամանեցին Նյու-Յորքի հայոց Մայր Տաճարի շինության կենտրոնական հանձնաժողովի քարտուղար արժանապատիվ Տ. Լևոն քահանա Առաքելյանը, ճարտարապետ Վալեր Կեհնը և կառուցող ինժեներ Ռոբերտ Բարրը, ծանոթանալու հայ ճարտարապետությանը և Վեհափառ Հայրապետին ու Մայր Աթոռին առընթեր ճարտարապետական հանձնախմբի անդամներին ծանոթացնելու կառուցվելիք Մայր Տաճարի ճարտարապետական նախագծերին և իմանալու, թե ի՞նչ ձևով Մայր Աթոռի ճարտարապետների հանձնախումբը կարող է գործնականորեն օգնել իրենց:

Վեհափառ Հայրապետի նախագահության տակ և ճարտարապետների հանձնաժողովի մասնակցությամբ Վեհարանում զուարկեցին նիստեր, ուր հանգամանորեն քննվեցին բերված նախագծերը, եղան օգտակար դիտողություններ և թելադրություններ և զործնական որոշումներ առնվեցին Նյու-Յորքի հայոց Մայր Տաճարի շինության վերաբերյալ:

Հարգելի հյուրերը, Մայր Աթոռի ճարտարապետ Ա. Գալիկյանի առաջնորդությամբ ծանոթացան մեր պատմական և ժամանակակից հուշարձաններին, այցելեցին Գառնի, Գեղարդ, Սևան և այլ վանքեր, մայրաքաղաքի տեսարժան վայրերը և լավագույն տպավորություններով հունվարի 7-ին վերադարձան Նյու-Յորք:

Հունվարի 5-ին, շոբեքշաբթի, «Ծրագալույց Մենդեան և Աստուածայայտութեան Տեառն մերոյ Յիսուսի Քրիստոսի»:

Մայր Տաճարում, երեկոյան ժամերգությունից հետո, ճրագալույցի հանդիսավոր սուրբ պատարագը մատուցեց լուսարարապետ գերաշնորհ Տ. Հուսիկ եպիսկոպոս Սանթրոյանը: Հավարտ սուրբ պատարագի կատարվեց Մենդեան նախատոնակը Վեհափառ Հայրապետի հանդիսադրությամբ:

Արարողության ավարտին, Հայոց Հայրապետը, հանդիսավորապես և եկեղեցական թափորով, «Խորհուրդ մեծ և սքանչելի» շարականի հնչյունների տակ, առաջնորդվեց Վեհարան, ուր օրհնեց և արձակեց միաբնությունը:

Հունվարի 5-ին, շոբեքշաբթի, Բաբու մեկնեց հոգեշնորհ Տ. Մուշեղ վարդապետ Պե-

տիկյանը, Դավիթ սարկավազի ընկերակցությամբ, Ս. Մննդյան տոնի առթիվ պատարագելու և Բանին կենաց քարոզությամբ մխիթարելու հավատացյալներին:

Հայր սուրբը և սարկավազը Մայր Աթոռ վերադարձան հունվարի 7-ին:

Հունվարի 7-ին, ուրբաթ, «Յիշատակ մեռելոց»: Մայր Տաճարում պատարագեց արժանապատիվ Տ. Նշան քահանա Բեյլերյանը: Հավարտ սուրբ պատարագի կատարվեց հոգեհանգիստ՝ ի հիշատակ մեռելոց:

Հունվարի 9-ին, կիրակի, Մայր Տաճարում պատարագեց արժանապատիվ Տ. Հակոբ քահանա Հակոբյանը:

Հունվարի 11-ին, երեքշաբթի, Ամանորի և Ս. Մննդյան տասնօրյա արձակուրդից հետո, վերաբացվեց Հոգևոր Ճեմարանը:

Հունվարի 13-ին, հինգշաբթի, «Տօն անուանակոչութեան Տեառն մերոյ Յիսուսի Քրիստոսի»:

Մայր Տաճարում պատարագեց արժանապատիվ Տ. Նշան քահանա Բեյլերյանը:

Սուրբ պատարագին ներկա էր Վեհափառ Հայրապետը:

Հունվարի 15-ին, շաբաթ, Ս. Հովհաննես Մկրտչի տոնի առթիվ, Մայր Տաճարում պատարագեց հոգեշնորհ Տ. Գևորգ վարդապետ Սերայդարյանը:

Հունվարի 15-ին, շաբաթ, երեկոյան ժամը 7-ին, Հոգևոր Ճեմարանում տեղի ունեցավ գրական-գեղարվեստական երեկո, բաղկացած երգերից, արտասանություններից և նվագից: Բարեշնորհ Գրիգոր սարկավազ Բունիաթյանը ընթերցեց «Սերմնացանի առակը» իր շարադրություն-քարոզը:

Երեկոյին նախագահում էր Վեհափառ Հայրապետը, ներկա էին Մայր Աթոռի միաբանությունը և դասախոսական կազմը:

Վերջում, իր խրատական խոսքի մեջ, Վեհափառ Հայրապետը Սերմնացանի առակի վերլուծությամբ և օրինակով ծանրացավ դաստիարակության վերաբերյալ մի շարք փիլիսոփայական տեսությունների և հարցերի վրա և գեղեցկորեն վեր հանեց Սերմնացանի առակի նաև մանկավարժական, դաստիարակչական կարևոր նշականությունը:

Ժամը 9-ին, Վեհարանում, Նորին Ս. Օծությունը բարեհաճեց թեյասեղանի շուրջ ունենալ Մայր Աթոռի միաբանության անդամներին և դասախոսներին՝ գրական երեկոյի և դաստիարակության հարցերի շուրջ զրուցելու և մտքերի փոխանակություն ունենալու համար:

Հունվարի 16-ին, կիրակի, Մայր Տաճարում պատարագեց հոգեշնորհ Տ. Մուշեղ վարդապետ Պետիկյանը:

Սուրբ պատարագին ներկա էր Վեհափառ Հայրապետը:

Հունվարի 16-ին, կիրակի, հոգեշնորհ Տ. Ներսես ծայրագույն վարդապետը, Գրիգոր սարկավազ Բունիաթյանի ընկերակցությամբ, մեկնեց Թբիլիսի, հին տոմարով Ս. Մննդյան տոնի առթիվ պատարագելու և Բանին կենաց քարոզությամբ մխիթարելու հավատացյալներին: Հայր սուրբը և սարկավազը Մայր Աթոռ վերադարձան հունվարի 21-ին:

Հունվարի 16-ին, կիրակի, հին տոմարով Ս. Մննդյան տոնակատարության արարողություններին իրենց մասնակցությունը բերելու համար, Եղիշե սարկավազը մեկնեց Բրիգումսկ (Ստավրոպոլի երկրամաս), իսկ Հովհաննես սարկավազը՝ Արմավիր (Կրասնոդարի երկրամաս): Սարկավազները Մայր Աթոռ վերադարձան հունվարի 22-ին:

Հունվարի 22-ին, շաբաթ, երեկոյան ժամը 6-ին, Վեհափառ Հայրապետի նախագահությամբ տակ, Վեհարանում, գումարվեց Գերագույն Հոգևոր Խորհրդի ընդլայնված նիստը, ուր զեկուցեց Գ. Բերմեզյանը Վատիկանի ժողովի մասին: Նիստին ներկա էին Մայր Աթոռի միաբանությունը, «Էջմիածին» ամս-

սագրի խմբագրական կազմը և Հոգևոր Ճեմարանի դասախոսները:

Հունվարի 23-ին, կիրակի, Մայր Տաճարում պատարագեց հոգեշնորհ Տ. Գրիգոր վարդապետ Եղիայանը և քարոզեց «Զի ոչ առաքեաց Աստուած զՈրդին իւր յաշխարհ թէ դատեսցի զաշխարհ, ալ զի փրկեսցի աշխարհ նովա» (Յովհ. Գ 17) քնարանով:

Հունվարի 30-ին, կիրակի, Մայր Տաճարում պատարագեց հոգեշնորհ Տ. Արսեն վարդապետ Բերբերյանը:

Սուրբ պատարագին ներկա էր Վեհափառ Հայրապետը:

Հունվարի 31-ին, երկուշաբթի, Հոգևոր Ճեմարանում սկսվեցին կիսամյա քննությունները, որոնք կտևեն մինչև փետրվարի 7-ը:

